

**AWIG –AWIG  
DESA ADAT ALAS PUJUNG**



**DESA TARO  
KECAMATAN TEGALLALANG  
KABUPATEN GIANYAR**

P I D A G I N G

MAKA BANTANG AWIG-AWIG DESA ADAT ALAS PUJUNG

MURDDHA - CITTA

|                  |   | WIDANG |
|------------------|---|--------|
| PRATHAMA SARGAH  | ARAN LAN WAWIDANGAN DESA                | 1      |
| DWITYA SARGAH    | PATITIS LAN PAMIKUKUH                   | 2      |
| TRITYA SARGAH    | SUKERTA TATA PAKRAMAN                   | 2      |
|                  | Palet 1 Indik Krama .....               | 2      |
|                  | Palet 2 Indik Prajuru / Dulun Desa..... | 5      |
|                  | Palet 3 Indik Kulkul .....              | 6      |
|                  | Palet 4 Indik Paruman .....             | 7      |
|                  | Palet 5 Indik Druwen Desa .....         | 9      |
|                  | Palet 6 Sukerta Pamitegep .....         | 10     |
|                  | Kaping 1 Karang, tegal lan carik ...    | 10     |
|                  | Kaping 2 Pepayonan .....                | 10     |
|                  | Kaping 3 Wewangunan .....               | 11     |
|                  | Kaping 4 Wewalungan .....               | 11     |
|                  | Kaping 5 Bhaya .....                    | 12     |
|                  | Kaping 6 Panyanggran Banjar .....       | 13     |
| CATHURTAS SARGAH | SUKERTA TATA AGAMA                      |        |
|                  | Palet 1 Indik Dewa Yadnya .....         | 13     |
|                  | Palet 2 Indik Resi Yadnya .....         | 17     |
|                  | Palet 3 Indik Pitra Yadnya .....        | 17     |
|                  | Palet 4 Indik Manusa Yadnya .....       | 21     |
|                  | Palet 5 Indik Bhuta Yadnya .....        | 21     |
| PANCAMA SARGAH   | SUKERTA TATA PAWONGAN                   |        |
|                  | Palet 1 Indik Pawiwahan .....           | 22     |
|                  | Palet 2 Indik Nyapian .....             | 24     |
|                  | Palet 3 Indik Sentana .....             | 25     |
|                  | Palet 4 Indik Warisan .....             | 27     |
| SAT SARGAH       | WICARA LAN PAMIDANDA                    |        |
|                  | Palet 1 Indik Wicara .....              | 29     |
|                  | Palet 2 Indik Pamidanda .....           | 29     |
| SAPTAMA SARGAH   | NGUWAH-NGUWUHIN AWIG - AWIG             | 30     |
| ASTAMA SARGAH    | S A M A P T A                           | 31     |

# MURDHA CITTA

AUM, OM

Om Swastyastu, Om Awighnamastu Nama Siddham,

Malarapan panghyangning Ida Sang Hyang Widhi Wasa, asung kerta nugraha ngawentenang kahuripan sakala niskala, ring Bhuwana Agung lan Bhuwana Alit. Manut dresta desane wantah pawakan pasayuban Krama Desa rawuhing kula warga pawonganya. Desane kamanggehang Bhuwana Agung, pawonganya sowang-sowang pinaka Bhuwana Alit.

Sotanin Bhuwana Agung desane wantah pawakan Bhawa maurip, jangkep saha Tri Hita Karananya, luwire :

- ha. Parhyangan, sahananing kahyangan, panyiwian desa genah ngarcana Ida Hyang Parama wiseesa, maka Jiwan desane.
- na. Pawongan, krama saha warga desa maka sami pawakan Bayu Pramana (Tri Kaya) mawinan desane sida molah maprawerti.
- ca. Palemahan, tanah kakuwuban desa, sinanggeh stula sariraning desane.

Adung patemon bhuwana kalih, larapan santa jagadhita, sinanggeh murdhaning prayojana pangriptaning Awig-awig Desa Pakraman ring sabha krama Desa Adat Alas Pujung.

Pamutus sabha inucap pinaka sepat siku-siku pamatut , wastu praesida prayojanan mami kabeh prasama anghidep muwah amagehaken kadi linging Awig-awig iki.

## PRATHAMA SARGAH

### ARAN LAN WAWIDANGAN DESA

Pawoe 1

(1) Desa Adat Puniki mawasta Desa Adat Alas Pujung.

(2) Jebar kakuwub wawidangannya mawates nyatur :

- ha. Sisih Wetan ring Desa Adat Tebuana;
- na. Sisih Kulon ring Desa Adat Puakan;
- ca. Sisih Lor ring Desa Adat Abuan Bangli;
- ra. Sisih Kidul ring Desa Adat Tebuana;

(3) Desa puniki kawangun antuk karang sakeng 22 karang ayahan Desa lan karang gunakaya wantah tunggil banjar.

DWITYA SARGAH  
PATITIS LAN PAMIKUKUH

Pawos 2

Desa Adat Alas Pujung ngamanggehang pamikukuh minakadi :

- ha. P a n c a s i l a ;
- na. Undang-undang Dasar 1945 pamekas Pasal 18;
- ca. Perda Propinsi Daerah Tingkat 1 Bali No. 06 Tahun 1986;
- ra. Tri Hita Karana manut sada cara Agama Hindu.

Pawos 3

Luwir Patitis Desa Adat Alas Pujung:

- ha. ngukuhang miwah ngrajegang Sang Hyang Agama;
- na. nginggilang tata Prawertine maagama;
- ca. ngrajegang kasukertan Desa saha Pawongannya sakala lawan niskala.

TRITYA SARGAH  
SUKERTA TATA PAKRAMAN

Palet 1

Indik Krama

Pawos 4

- (1) Sane kabawos Krama Desa inggih punika kulawarga sane maagama Hindu saha ngamong karang utawi jenek mapaumahan ring sawidangan desa.
- (2) Sajaba punika sinanggeh tamiyu, sane kabinayang dados kalih inggih punika sane maagama Hindu, miwah siwosan ring maagama Hindu.
- (3) Indik Tamiyu punika manut pararem.

Pawos 5

Krama Desa wenten 4 (petang) pawos, luwire :

- ha. krama ngarep, kula warga sane ngamong karang, utawi manut pararem;

na. krama.....

- na. krama panyamping kulawarga sane nenten ngamong karang nanging sampun mawiwaha;
- ca. krama balu, krama sane katinggal seda olih lanang utawi istri nyane, utawi sangkaning nyapihan krama balu inucap kabinayang dados :
  1. Balu makrambian, inggih punika balu sane maduwe sentana dereng marabian utawi dereng antes ngayah.
  2. Balu ngalisting, inggih punika balu sane tanpa sentana.
- ra. krama-tapukan, kulawarga manut aksara ha utawi na ring ajeng sakewanten durung antes ngayah utawi salami kantung masekolah malarapan ilikita pastika saking sekolahnya, manut pararem.

Pawos 6

Ngawit dados Krama Desa :

- ha. Sangkaning ngamong karang, jenek mapaumahan utawi manut pararem;
- na. mawiwit pawiwahan awarsa saking upacara pawiwahan.

Pawos 7

Panamaya tedun makrama Desa:

- ha. nyabran sasih kasanga saha majalaran antuk paigum saderengnya arep ring Krama sane ngamong karang ayahan Desa;
- na. ngantos awarsa mawiwit pawiwahan;
- ca. Jenek mapaumahan, manut pararem.

Pawos 8

Sahanan Krama Desa keni tategenan luwire :

- ha. ayah ngarep, mapiteges urunan miwah ayahan mamungkul;
- na. ayah panyamping, mapiteges urunan saparo saking krama ngarep;
- ca. ayah balu, ayah miwah urunannya manut kahanan balu inucap;
- ra. ayah tapukan, keni urunan mamungkul.  
kaluputang ayah-ayahan, ngantos mayusa 17 warsa, utawi sampun mawiwaha. Yaning kantung masekolah, taler kaluputang ayah-ayahnya, malarapan ilikita pastika saking sekolahnya.
- ka. prade rikalaning ngayah wenten sinalih tunggil Krama matilar tanpa sadok sadereng puput karya, wenang Krama inucap keni pamidanda manut pararem, tanjek laler kawastanin.

Pawos 9

Swadharman Krama, sewosan ring tategenan, luwire :

- ha. Tinut saturut ring sadaging Awig-awig, pararem lan paswasan Desa;
- na. Tan maren ngutsahayang mangda Desane mrasidhayang nyujur manut patitis;
- ca. Tinut saturut ring Guru Wisesa.

Pawos.....

Pawos 10

Swadharman Tamiyu, luwire :

- ha. Tinut saturut ring yasa kertin Desane;
- na. Tan piwal ring sadaging Awig-awig, pararem lan paswaran Desa;
- ca. Nyadokang raga ring Prajuru arahina sasampun jumenek malarapan antuk ilikita pastika saking desane utawi sang ngawawenang;
- ra. Yan tan tinut pacang kairid (tan kadadosang jumenek ring Desa).

Pawos 11

Piolih-olihan Krama :

- ha. Polih pasayuban sakala niskala tur kabawosin saha katiwakin pamutus sahanan wicaranya;
- na. Nyarengin paruman tur wenang sareng mastikayang pamutus;
- ca. Kadadosang madeg Prajuru, manut pararem.

Pawos 12

Krama Desa Adat kadadosang :

- ha. mapoangkid utawi tan tedun :
  - 1) rikala mapawangun ngeraabin, mayadnya, matepetin rare, sungkan kaluasan, lan siosan punika;
  - 2) kengin tempo wantah apisan, sajawanin wenten wak-wakan saking Prajuru Desa.
- na. nyada, mapiteges ngamademang ayah, risampun mayusa 70 warsa, tur tan dados nyuksukin, sang nyada mangda digelis nyantenang panyeledihi;
- ca. nyade, utawi nyuksukin, sane kawenangang risampun manggeh deha-teruna, sampun mawiwaha utawi masidayang nganutin krama;

Pawos 13

wusan dados Krama Desa, luwire :

- na. Sangkaning :
  - 1) Pinunas ngeraga, manawi kesah kadura Desa utawi ngalangkungin sagara;
  - 2) Kanorayang , duaning sampun tan prasida ngesehin solah maprawerti satata nguwug pamargin Awig-awig.
  - 3) Wusan makrama desa mapiteges taler wusan makrama banjar utawi wusan makrama banjar mapiteges wusan makrama desa, mangda sampunang kasinanggeh empak ngalanting.

na. Sang .....

na. Sang wusan makrama :

- 1) Patut ngaturang karang ayahan ka Desa, prade karang punika karang Desa;
- 2) Tan polih pah-pahan saking padruweyan Desa;
- 3) Tan polih pasayuban sajronin ala ayu.
- 4) Sang wusan makrama desa/Banjar prade mawali malih patut nawur saurah arih tategenan krama manut pararem.

ca. Sang wusan sangkanin kanorayang, prade mawali malih patut:

- 1) muntasang saluwir pamidanda utawi tategenan sane ngranayang kanorayang;
- 2) nunas geng pangampura ring paruman desa maduluran panyangaskara panyapeap kaiwangan duwaning nguwak pasubaya pecak.

## Palet 2

### Prajuru lan Dulun Desa (Panglingsir)

#### Pawos 14

(1) Desa Adat Alas Pujung kaenter olih Bendesa Adat.

(2) Banjar kaenter olih Klian Banjar.

(3) Bendesa lan Klian Banjar patut :

ha. mawiwit saking krama wed kajangkepin antuk:

- 1) Uning ring aksara latin utawi Bali;
- 2) Uning ring tata titining mawa desa;
- 3) Uning ring pariindik Agama lan Adat;
- 4) Lascarya ngayah tur madruwe parilaksana sane rahayu.

na. kaadegang malarapan antuk kacatri olih parumannya soang-soang nyabran 5 (limang) warsa, sajawaning wenten pariindik tiot, tur dados kacatri malih;

ca. maduluran Dewa saksi ring Pura Bale Agung.

#### Pawos 15

1) Bendesa Adat kasanggra olih :

ha. Patajuh utawi Pangliman pinaka wakilnya;

na. Panyarikan pinaka juru surat;

ca. Patengen utawi juru raksa pinaka pangamong druwen Desa;

ra. Kasinoman pinaka juru arah.

2) Kasinoman akehnya manut kawigunan saha magilir nyabran ngasasih.

3) Sajeroning ngenterang kasukertan niskala, Bendesa mingsingihang Pamangku Kahyangan Desa utawi sang Rumaga Sulinggih.

Pawos .....

Pawos 16

(1) Swadharmaning Bendesa Adat luwire :

- ha. ngenterang pamargin sadaging Awig-awig miwah pararem Desa;
- na. nuntun tur ngenterang krama rawuhing warga Desa sami ngupadi manut patitis;
- ca. mawosin kalih niwakang pamutus arep ring wicara warga Desa;
- ra. maka dutta Desa matemuang bawos ring sapa sira ugi.

(2) Prade Prajuru iwang palaksana keni pamidanda nikel ring kaiwangan soang-soang krama, tur dados kararyanang manut pararem.

Pawos 17

Patias utawi olih-olihan Prajuru Desa, luwire :

- ha. luput rerampen ;
- na. polih tanding tengah;
- ca. patias sewosan manut pararem.

Pawos 18

(1) Prajuru / Dulun Desa kagentosin riantukan :

- ha. s e d a;
- na. kanorayang dwaning iwang pamargi utawi nilar sesana;
- ca. wit saking pakayun utawi pinunas ngaraga.

(2) Ngenorayang utawi ngentosin Prajuru patut sajeroning paruman tur kaingkupin olih Krama Desa.

Palet 3

Indik Kukul

Pawos 19

(1) Kukul ring Desa luwire :

- ha. Kukul ring Kahyangan;
- na. Kukul Desa;
- ca. Kukul Banjar;
- ra. Kukul Sekaa-sekaa.

(2) Tabuh tatepakan kukul ring Kahyangan Desa :

- ha. nungtit/silih asih, tengeran wenten Yadnya/Upacara;
- na. tulud lambat, tengeran tedun ngayah;
- ca. bulus, tengeran wenten bhaya.

(3) Tabuh tatepakan kulkul ring bebanjaran :

ha. Bulus :

- 1) atulud bulus, tengeran kageni bhaya;
- 2) 2 tulud bulus, tengeran kapandangan (artha bhaya);
- 3) 3 tulud bulus, tengeran jiwa bhaya;
- 4) tigang klentungan bulus panjang, tengeran lindu, er, lan pawana bhaya.

na. Lambat :

- 1) 2 tulud lambat , tengeran tedun ngayah utawi wenten pakaryan.
- 2) nungtit silih asih tengeran, surya grha, bulan kapangan;

ca. Klentungan :

- 1) 5 klentungan, tengeran rare embas;
- 2) 7 klentungan, tengeran pawiwahan;
- 3) 3 klentungan ngempang panjang, tengeran ngawangdeang karya;
- 4) 3 klentungan tengeran kalayu sekaran.

Pawos 20

- 1) Kulkul Desa utawi Banjar tan wenang katepak yening tan sangkaning pituduh Prajuru Desa / Banjar sajawaning tengeran bhaya.
- 2) Sang nepak tan sangkaning pituduh patut digelis atur supeksa maka buatan panepake, yan tan sapunika wenang sang mamurug kadanda manut pararem.
- 3) Kulkul sekaa-sekaa samaliha kulkul pondokan-pondokan tan kalugra nyawerin (matehin) sukat utawi tengeran kulkul Desa / Banjar sajawaning tengeran bhaya, prade mamurug taler kadanda manut pararem.

Palet 4

Indik Paruman

Pawos 21

1) Paruman/ sangkepan ring Desa Adat Alas Fujung wenten :

ha. paruman Desa/Banjar, kawentenang :

- 1) nyabran ngasasih, maka cihna tanpa arah-arah, dwaning sampun tetep panamaya manut pararem, ring Soma Wage paruman desa lan Bhuda Kliwon paruman banjar;
- 2) napkala ( padgata kala ) maka jalaran arah-arah manut tatujon.

na. sangkepan Prajuru desa, kawentenang manut wiguna;

ca. paruman sekaa-sekaa manut pabuat.

(2) Paruman.....

(2) Paruman Desa utawi Banjar madudonan sakadi ring sor :

ha. prasida lumaksana risampun katedunin olih sang patut ngamiletin, kamanggala antuk tengeran kulkul miwah mabusana Adat madya, saha tan kalugra makta gegawan sakaluwire, tan maren ngarcana ring Ida Bhagawan Panyarikan maka sarana Widhi Widana cane;

na. maka sarana janggi, pangawit kalaksanayang panyacak sep-sepan saha riwusannya nyacak, ngetang dadosan lung alit manut pararem;

ca. tan kalugra ngawetuang suwara gora utawi byota, yang wenten seapunika keni pamidanda beya pacamil kadi dandaning nguman-uman ring sabha;

ra. pamutus babawos beriuk sapanggul (ingkup) punika kamanggehang.

(3) Prade pidaging paruman tan kaingkupin mangda Prajuru Desa ngilikang babawos, saha pamutusnya mangda kararemin olih Krama Desa, bilih tan prasida kasungkemin jantos ping tiga Prajuru wenang nunas bawos ring Sang Ngawa Wenang.

Pawos 22

1) Sajeroning paruman Desa, Bendesa patut nyobyahang pamargin ngenterang Desa, pamekas nganinin indik:

ha. munjuk lungseuring pakraman saha ayah-ayah, sulur arta berana, druwen Desa;

na. Rarincikan Prajuru nganinin usaha Desa kapungkur.

2) Pamutus paruman Desa sinanggeh pararem maka pamitegep daging Awig-awig.

Pawos 23

1) Sangkepan Prajuru Desa kawenangang wantah ngarincikang pangerencana usaha Desa kapungkur.

2) Sangkepan Prajuru Desa tan kawenang ngawedalang tategenan ring Krama sadereng kaingkupin olih Krama Desa ring paruman.

3) Pamutus sangkepan prajuru Desa ngawetuang pasuwara, maka pidaging pituduh sang Ngawawenang utawi ngonekang pecak pararem krama desa.

Palet.....

Palet 5

Indik Druwen Desa

Pawos 24

Padruwen Desa Adat Alas Pujung sakadi ring sor :

- ha. Kahyangan Desa luwire :
  - 1) Kahyangan Tiga : Pura Desa lan Bale Agung, Pura Puseh, Pura Dalem lan Praja Pati.
  - 2) Pura Sada.
  - 3) Pura Beji.
- na. Tanah tegalan (manut ilikita);
- ca. Karang ayahan Desa, munjuk lungsur saking 22 karang ring ajeng;
- ra. Setra;
- ka. Palaba Pura, carik (manut ilikita)
- da. Lelanguan, makadi tetabuhan lan ilen-ilen padruwen Desa luwire:
  - 1) Klentangan;
  - 2) Ilen-ilen wali Pura : Rejang, Pendet;
  - 3) Muwah padruwean tiyosan.
- ta. Nyasa, sasanthi.
- ea. Lembaga Perkreditan Desa (LPD).

Pawos 25

Piolih-olihan Desa Adat Alas Pujung luwire :

- ha. piolih-olihan saking palaba Pura;
- na. urunan Krama Desa Adat;
- ca. paica saking Guru Wisesa;
- ra. Paica-paica sane tiyosan, sane patut;
- ka. usaha Desa Adat.

Pawos 26

- (1) Prajuru Desa wenang ngetangang pamupon laba Pura lan sapanunggalan druwen Desa.
- (2) Pikelih lan pamuponnya kaanggen prabeya piodalan saha wewangunan ring Pura miwah anggen kabuatan Desa Adat.
- (3) Nyabran pasangkepan Desa, Prajuru pangamong druwe desa nguningayang perlindik munjuk lungsuring padruwean ring Krama Desa.
- (4) Sakaluwiring druwen Desa patut wenten ilikitannya.
- (5) Tan kalugra ngadol utawi ngesahang padruweyan Desa yan tan kasungkemin olih Krama Desa ring paruman.

Palet .....

Palet 6

Sukertan Pamitegep

Kaping 1  
Karang, Tegal lan Carik

Pawos 27

- (1) Krama Desa pangamong Karang Desa utawi karang gunakaya patut ngawatesin karang inucap antuk tembok utawi pagehan mangda pakantenannya asri.
- (2) Wates sisi kaler miwah kangin patut kakaryanin olih sang ngamong karang ayahan inucap, sane mawasta gegaleng kaluan, sajawaning tanah pacatu, tegal, carik utawi tanah padruweyan ngaraga, sane kapiara watese sisi klod miwah kauh utawi manut drestha reh punika mawasta gegaleng kateben.
- (3) Prade karasayang pagehan/turus inucap ngalikadin, yen pada arsa panyandinge, kengin watese nganggen pinget kewanten, kasaksinin olih Prajuru Desa utawi pracihna pal saking Sang Ngawawenang.
- (4) prade wenten karang kabebeng /embet mangda kautsahayang wenten pamarginnya,manut paigum lan pararem.
- (5) Krama Desa tan kengin:
  - ha. Ngentungan luhu, wangken wewalungan kapakarangan/tegal anak lian, kalih kamargine utawi katukade;
  - na. Ngembahang toya wit saking badan wewalungan, kakus pasiraman, pawaregan miwah sane sewosan katagal, carik, kamargine utawi katukade sane ngawinang ambu kewon;
  - ca. Prade wenten sakadi ring ajeng keni pamidanda manut pararem.

Pawos 28

- (1) Sinalih tunggil Krama Desa/Banjar tan kalugra :
  - ha. Ngalah-alah margi, tegal ayahan Desa, karang Desa, lan sepanggunggalanya;
  - na. ngalah-alah tanah linggih kahyangan, tegak setra, lan sakancan linggih sinanggeh suci.
- (2) Prade wenten sakadi ring ajeng ,sang ngalalah wenang ngawaliang tanah inucap saha keni pamidanda manut pararem kadulurin upakara prade ngalahlah tanah suci.

Kaping 2  
P e p a y o n a n

Pawos 29

- (1) Ngawit nandur pepayonan tanem tuwuh patut adepa agung (2 meter) ngajeroang saking wates,prade jantos ngaliwat wates wenang kasepat gantungin.
- (2) Yening wenten tatanduran ngungkulin,samaliha mawastu mayanin kapiara, patut karepa antuk karepa utawi karepa...

- 3) Prade sampun kawara taler tan wenten usaha sang nruwenang wit, sang rumasa katetehan/kajerihan wenang masadok ring prajuru, tur risampun kaparitatas kalugra mademang wit inucap, sake-wanten patin pepayonan patut katawur manut pangeloika sane nepasin.
- 4) Sang keni pamidanda panyangaskara saha prabeaya manut pararem arep ring wewangunan sang karubuhin, luwire;
  - ha. Sang nruwenang wit sinanggeh mayanin, prade pungkut ngarubuhin wewangunan krama tiyos;
  - na. Sang notor, munggul utawi ngarebah taru tur ngarubuhin krama tiyos.
- 5) Prade wenten wit mentik sajronin wates patut kapademang, mangda tan ngranayang wicara. Prade sampun egeng kapademang, wit punika pinara tiga :
  - ha. Apah tiga katur ring sang nruwenang wit.
  - na. Apah tiga katur ring sang penyandingnya.
  - ca. Apah tiga katur ring Desa Adat.
- 6) Krama Desa patut ngamanggehang kawerdian tanem tuwuh sane ngawinang Desane asri.

Kaping 3

Wewangunan

Pawos 30

- 1) Nyabran ngawangun patut :
  - ha. masadok ring Prajuru, ping ajeng prade wewangunan nganinin wates;
  - na. ngangge sukat asta bhumi miwah gagulak asta kosala - kosali, sanistane manut ring patitis niekala;
  - ca. tan nyayubin kapisaga.
  - ra. tan dados ngembahang toya wit saking jempeng/W.C. miwah belengbeng/bada ka pisaga.
- 2) Prade wewangunan jantos nyayubin bilih-bilih temboke ring telengin wates, risampun kawara tur kasadokang ring Prajuru, wenang kadanda manut pararem saha tembok inucap kagubar utawi sanistane mangda kakaryanang abangan.

Kaping 4

Wewalungan

Pawos 31

- 1) Warga Desa sane mamiara wewalungan patut sayaga nitenin negul/ngalogor mangda tan ngarusak karang utawi pabianan Krama sewos, bilih-bilih jantos ngaranjing ngaletihin Kahyangan.

- (2) Prade wenten wewalungan malubar utawi ngeleb ngarusak pekarangan/pabianan Krama sewos, risampun kawara dados ketaban tur kadanda ngawaliang wit sane karusak saha nawar panebas papiaran tetabanan, manut pangeleikan Prajuru Desa.
- (3) Prade jantos ngaletihin linggih suci, minakadi Pamrajan, risampun kaparitatas olih Prajuru wenang sang nruwenang kadanda mabuhu agung ( caru eka sata, maduluran tebasan prayascita durmanggala ), prade ngaletihin Kahyangan Desa utawi Pura Pamaksan, wenang nyaronin antuk Panca sata makerep itik belang kalung.
- (4) Krama desa patut nyanggra wewalungan miwah sarwa prani, tan kapatutang ngamademang paksi, nuba ulam, miwah sane sewosan. Prade wenten malaksana sakadi punika keni pamidanda manut pararem tur kaaturang ring sang Ngawawenang.

Kaping 5

B h a j a

Pawos 32

- (1) Pariindia bhaya, luwire : jiwa bhaya, artha bhaya (kapandangan), dura cara ring Agama.
- (2) Sang manggihin kahanan jiwa bhaya, patut nepak kulkul bulus mapitulung manut pawos 19 (3) aksara ha.
- (3) Prade ring Desa kahanan jiwa bhaya, patut Desane ngaturang Bhuta Yadnya, tur sang mayanin kaaturang ring Sang Ngawawenang.
- (4) Prade wenten jatma mamisuh utawi nguman-uman jatma tiyos, kakenanin pamidanda beya pacamil maduluran tebasan prayascitta.
- (5) Maning wenten jatma majengilan ring bale Banjar, ring Pura, utawi ring genah sane kasinanggeh suci, keni pamidanda manut pararem, maduluran panyangaskara prade sang majengilan kantes ngamedalang rah.

\*Pawos 33

- (1) Sang manggihin kahanan artha bhaya (kamalingan), patut ngulkul mapitulung manut ring pawos 19 (3) aksara ha utawi sang kemalingan atur supeksa ring Prajuru Desa sane pacang nimbangin utawi nandanin manut pararem, saha maweweh panyangaskara prade wenten jatma ngemaling barang sinanggeh suci.
- (2) Pratingkahe mapailon ring dusta kabawos saruron, prade wenten jatma manggihin maling ten nyadokang ring Prajuru jantos jatma tios nyaduang, patut kadanda kadi dandaning maling, sekweh pangargan wit manut cacakan Banjar, tur prade jantos ping tiga malaksana asapunika wenang kasukserah ring sang Ngawawenang.

(3) Prade.....

- (3) Prade wenten jatma ngareh reramon, minakadi daun kelapa, ron miwah sane sewosan tanpa sadok ring sang nruwenang wit, prade kacunduk (katara) patut kadanda Padi dandaning maling.
- (4) Yening wenten jatma ngaranjing kapakubon wiadin pakarangan jatma tiyos rikala suwang, mawastu sang madruwe karang kaicalan, wenang jatma inucap katuwekang antuk madewa saksi ring Pura Bale Agung.
- (5) Mangda tan katuwekang manut sakadi ring ajeng, asing-asing ngaranjing kapakubon jatma tiyos patut :
- ha. matengeran suwara (makaukan);  
na. nyantos sang nruwenang karang rawuh utawi masadok ring pangapit pinih, tampek, maka buatan pangaranjinge;  
ca. pamedal karangnya kadagingin sawen, maka cihna pangarah rikala suwang.

Kaping 6

Panyanggran Banjar

Pawos 34

Krama Desa rikala ngawentenang karya suka-duka, patut kasanggra olih Banjar, luwire :

- ha. Prade ngawangun Pitra Yadnya utawi Manusa Yadnya, manut pinunas sang mayadnya;
- na. Pangarombo utawi karya gotong-royong krama jantos ping tiga, langkungan ring punika patut katuar pangingu;
- ca. Pangingu rikala Pitra Yadnya manut abot dangan Yadnya, prade saking semengan ngantos wengi katuran pangingu ping kalih.
- ra. Pangarombo tiyosan manut pararem.

CATHURTAS SARGAH

SUKERTA TATA AGAMA

Palet 1

Indik Dewa Yadnya

Pawos 35

- (1) Kahyangan Panyiwjan ring sawidangan Desa Adat Alas Pujung luwire:
- ha. Kahyangan Tiga, Pura Desa/Bale Agung, Puseh miwah pura Dalem lan Prajapati;
- na. Pura Sada;
- ca. Pura Dugul;

(2) Rahina Piodalan ring soang-soang kahyangan inucap, kadi ring sor;

ha. Ring Kahyangan tiga, luwire;

- 1) Pura Desa/Bale Agung, rikala Anggarakasih Julungwangi;
- 2) Pura Puseh, rikala Anggarakasih Julungwangi;
- 3) Pura Dalem, rikala Anggarakasih Kulantir;

na. Pura Prajapati rikala Anggarakasih Kulantir;

ca. Pura Melanting rikala Saniscara Kliwon Kuningan;

ra. Pura Dugul rikala Sukra Umanis Klawu;

(3) Pangaci ring Pura inucap manut kecap sastra Agama, saha kalaksanayang nista, madia, utama manut kawentenan lan pararem

(4) Pangempon soang-soang Pura manut dresta kadi ring sor:

ha. Pura Puseh, Kaempon olih Desa Adat;

na. Pura Bale Agung keempon olih Desa Adat;

ca. Pura Sada keempon olih krama Desa Adat;

ra. Pura Dalem, keempon olih Desa Adat;

ka. Pura Dugul kaempon olih Subak.

Pawos 36

(1) Ring soang-soang Pura inucap patut kaadegang Pamangku;

(2) Ngadegang Pamangku manut dudonan :

ha. Nyanjan utawi masmurang, soang-soang mapiteges mapinunas ring ajeng Pura wiadin kadura Desa manawi ring balian konteng, lan sapanunggilannya;

na. Kacatri olih krama Desa.

(3) Tan kawenang adegang Pamangku luwire :

ha. Cendangga makadi peceng, perot, cungh lan sapanunggilanipun;

na. Sang sepasira ugi sane tan kapatutang manut pararem;

ca. Sakit ila, ayan, buduh wiadin edan;

ra. Sane tan madrebe kasucian urip.

(4) Prabia.....

(4) Prabia kapamangkuan :

- ha. Adiksa Widhi ( ngawintenin ) lanang istri kamedalin saha kalaksanayang olih sang ngadegang, makadi krama Desa utawi pangempon Pura soang-soang;
- na. Mapitra Yadnya riwekas lanang miwah istri patut kasurugkemin olih Krama Desa utawi pangemong, sanistane Brahmapreyascita, panyanggrane manut pararem prade Yadnya inucap kalaksanayang oleh wargan sira pamangku.
- ca. Sinalih tunggil krama yan wenten ngipik-ipik sapari polah pamangku, nanging pamangku tan sapunika pari polahnya kadi sane kaipik-ipik, wenang jadma inucap kasisipang nyuciang pamangku, manut pararem.

(5) Pamangku patut ngamanggehang sesananing Pamangku luwire :

- ha. Ambek Dharma sadhu;
- na. Ascwaka Dharma, makadang sastra utama;
- ca. Tan parek ring naya dustha;
- ra. Tan atayub ring tarub camara yudha;
- ka. Tan manjing ring umah wong baniija karma;
- da. Tan manjing ring umah wong darati krama;
- ta. Tan wenang ajajuden;
- sa. Tan anginum asing angawe mada;
- wa. Tan pati pikul-pikulan;
- la. Tan salah suluh;
- ma. Tan wenang anayub upadrawaning cor, yan mawiyawahara teka wenang adewa saksi;
- ga. Tan griganing wong akweh;
- ca. Tan keneng cuntakaning wong len, sajawanin kulawarganya tunggil natah, utawi pasiwanja manut dresta.

(6) Prade mamurug, wenang Pamangku nyepuhin raga- kasaksinin olih Prajuru Desa.

(7) Yan pacang ngawalat rabi wenang ngaturang rumuhun pawintenanya, ring pura genahnya madeg pamangku nguni, tembenya wawu wenang ngawalet rabi, riwus upacara nawa wenang ngawana wasa salaminya atahun, wus punika wawu mawinten lakibi kadi pawintenanya nguni.

Pawos 37

Swadharman Pamangku luwire :

- ha. Ngenterang upacara piodalan ring Kahyangan utawi ring soang-soang pakubon krama;
- na. Prade salah sinunggil Pamangku kapialang utawi cuntaka, kengin nguntap Pamangku kahyangan desa tiosan utawi nuwur sang sulinggih;
- ca. Samelike yen sampun Pamangku ngayah ring Pura kancit wenten kulawargannya seda, Pamangku inucap tan keneng cuntaka sakewanten Pamangku tan budal salami piodalan.

Pawos .....

Pawos 38

Patias utawi olih-olihan Pamangku luwire :

- ha. Tri Baga/Panyolongan miwah sarin canang ring soang-soang pakubon krama Desa;
- na. Luput pakaryan, rerampen/reramon;
- ca. Patias sewosan manut pararem.

Pawos 39

(1) Pamangku kagentosin riantukan :

- ha. S e d a ;
- na. Pinunas ngaraga, sangkanin kageringan lan sapanunggalannya;
- ca. Kawusang olih krama sangkanin malaksana sane tan patut.

(2) Prade Pamangku kawusang sangkaning malaksana tan patut keni pamidanda manut pararem baha ngawaliang prabiya pawintenannya peck.

Pawos 40

Kasukertan Kahyangan kadi ring sor :

ha. Tan kalugra ngaranjing kapura luwire :

- 1) Sang katiben cuntaka makadi sebel ring raga utawi kapademan;
- 2) Makt<sup>o</sup> s<sup>o</sup>hanan barang sinaggeh ngaletihin;
- 3) Sato agung, sajawaning rikala mapapada;
- 4) Mabusana sane tan patut kadi tatacaraning ngaranjing kapura;
- 5) Sadereng polih wak-wakan (pituduh ) Prajuru Desa.

na. Pratingkahe tan wenang ring Pura :

- 1) Masumpah ( cor ) sajawaning pituduh Prajuru Desa;
- 2) Wak parusya/wak capala, makobetan, masazenengan, makolem dados asiki lanang wadon mabacin, mawarih, macecepin rare, majaljal/majengilan, nyangsang busana, menahin pusungan (santukan punika rikala majajahitan patut magelung busung macingor lidinya);
- 3) Mungga tedun palinggih sajawaning pituduh Prajuru.

ca. Sang mamurug kecap ring ajeng keni pamidanda pamrayascitta sapatutnya.

Pawos 41

(1) Yan wenten jadma karawuhan ring Pura, dados kapintonin prade rumasa kacumangsayan, yan tan wiakti, jatma inucap kasisipang manut pararem.

(2) Prade Kahyangan kahanan durmanggala, minakadi keni bhaya Pamangku/Sang menggihin, patut digelis nyadokang ring Prajuru mangda merumang krama Desa tur ngawentenang pamrayascitta sapatutnya.

Palet.....

Palet 2

Indik Resi Yadnya

Pawos 42

- (1) Sang pacang madeg Pandita utawi Pinandita minakadi Balian Sonteng, Kubayan, Delang, sakaluwiring sanc jagi ngenterang Yadnya patut masadok ring Prajuru Desa utawi Parisada Hindu Dharma Indonesia.
- (2) Prajuru Desa patut ngawas nitenin tur wenang ngalangin prade wenten kacihnan nyasar ring kakecap miwah drestane, tur sareng nyaksinin upacaranya saha nyobyahang ring paruman Desa tegep rawuhing wates kawenangannya ngenterang yadnya.
- (3) Krama Desa patut ngaturang ayah sapamadeg miwah ring pangelepas Sang Sulinggih riwekas katuntun olih Prajuru Desa.

Pawos 43

- (1) Sang Sulinggih lan pamangku patut ngariyining muputang ring wawidangan Desa Adat Alas Pujung, sasampun punika wawu muputang yadnya kajabar tiis Desa utawi kadura Desa.
- (2) krama desa sami patut sareng ngawas nitenin katuntun olih Prajuru, mangda sahanan yadnya sane kawentenang kaicen pamuput olih Padanda utawi Pinandita manut kawenangannya soang-soang.

Palet 3

Indik Pitra Yadnya

Pawos 44

Pamargin Pitra Yadnya madudonan manut sakadi ring sor :

- na. Pangupakaran Sang kalayu sekaran :
- 1) antuk mendem utawi ngeseng, makacihna pakinsan ring ibu Pratiwi utawi ring geni, salami nuptupang prabeya;
  - 2) Atiwa-tiwa (upakara pangabenan / palebon).
- na. Upacara upakara Pitra Yadnya riwusan kaabenang ngraris munggah daun bingin (ngaroras) manut dudonan Atma Wedana.

Pawos 45

Swadharmaning lan tategenan prade wenten sinalih tunggil Krama kalayu sekaraan :

- na. Sang kaduhkitan patut :
- 1) nyadokang ring Kliar tur nunas tatimbangan ring kawentenanya;
  - 2) ngaturin Benjar ngerombo makarya eteh-cteh sawa saha ngater kasetra, tur katuran panyambrama canang sasida-sidaan.

na. swadharmaning.....

na. Swadharmaning Banjar :

- 1) Klian Banjar maritatas pamargin sang kaduhkitan, napike pacang kapendem, makingsan riyin utawi lajur kaabenang;
- 2) Prade kapendem, raris kaswarayang kukul pamitahu manut pawos 19 (3) aksara na olih Klian Banjar utawi wakilnya.
- 3) Panyanggran Banjar salanturnyane :
  - ha) soang-soang Krama Banjar nedurang patas beras, adeng Jinah, miwah manut pararem.
  - na) ngarombo ngaryanin eteh-ete sawa, kasarengin olih Krama sane rawuh ngarombo.
  - ca) sami Krama banjar nganter kasetra jantos puput pamendemane.

ca. Tan kergin ngalelet sajawaning pacang kaplebonang, tur patut polih pagebagan manut paetengan Klian patas / Banjar.

ra. Tan kalugra nginepang bangbang miwah mendem rikala:

semut sadulur,  
kala gotongan,  
Paeah,  
Kiiwon, kajeng Kliwon,  
Soma, Umanis, Taulu,  
Was pangarten,  
ingkei wong,  
Prawani, Purnama, Tilem,  
Rerahinan jagat.

ka. Prade wenten kalayu sekaran rikala plodalan, kengin mendem tanpa sadok, tan nyuwarayang kentongan/kukul tur mamargi wengi/sasiliban.

da. Pamargin pamendeman utawi palebonan mangda nganutin sastra agama lan dresta.

#### Pawos 46

(1) Sane kasinanggeh kacuntaka sakadi ring sor :

- na. cuntaka antuk kalayu sekaran;
- na. cuntaka antuk ngraja swala;
- ca. cuntaka antuk ngembaseng putra;
- ra. cuntaka antuk karuron;
- ka. cuntaka antuk sakit ila, buduh;
- da. cuntaka antuk pawiwahan;
- ta. cuntaka antuk gamia gamana;
- sa. cuntaka antuk salah timpal;
- wa. cuntaka antuk yening wenten anak istri robot nenten kaupakarayang pabiukawonan miwah pawidiwidana;
- la. cuntaka antuk mamitra ngalang;
- ma. cuntaka antuk yaning wenten anak istri ngamedalang putra sadurunge maupakara pabiukaonan miwah pawidiwidana;
- ga. cuntaka antuk sed Tatayi.

(2) Sengker.....

(2) Sengker cuntaka manut kawentenannya:

- ha. cuntaka kalayu sekaran, cuntakanya kaanutang ring loka dresta Desa Adat soang-soang;
- na. cuntaka ngraja swala, 3 rahina ngawit saking ngraja swala utawi salaming ngraja swala;
- ca. cuntaka ngembas putra, 3 sepih sane istri lan 12 rahina lanange ngawit saking putrane embas;
- ra. cuntaka karuron, cuntakanya abulan pitung rahina (42 rahina) tur sampun matirta pamrayascita;
- ka. cuntaka sakit ila, buduh/edan, cuntakanya manut ilikita pastika saking Sang Ngawawenang/sang nambanin miwah sampun mrayascita raga;
- da. cuntaka pawiwahan, cuntakanya ngatos sasampune metirta pabiukaonan;
- ta. cuntaka gamia gamana, cuntakanya ngantos sesampune kapalasang/kasapihang tur sampun kawentenang pamrayascita raga miwah pamrayascita Desa Adat/Kahyangan;
- sa. cuntaka salah timpal kapuputang manut ring sastra Agama Hindu;
- wa. cuntaka anak istri mobot nenten kawentenan upakara pabiukaonan, cuntakanya ngantos kawentenan upakara pabiukaonan;
- la. cuntaka mamitra ngalang, cuntakanya ngantos kawentenang upakara pabiukaonan;
- ma. ngembasang putra nenten kawentenang upakara pabiukaonan miwah pawidiwidana, cuntakanya ngatos wenten sane mameras sang putra, lan sampun kawentenan upakara manut ring sastra Agama Hindu;
- ga. cuntaka Sad Tatayi, cuntakanya ngantos sampun maprayascita raga cur nenten pisan dados ngamunggang upakara padwijatian.

3) Cuntaka kalayu sekaraan/kepademan :

- ha. Kapendem cuntakanya
  - 1) cuntaka/sebel kabanjar ngantos 3 rahina riwusnya mendem/manut dresta utawi sasampun polih pamrayascita.
  - 2) kulawargania sajeroning pakarangan ngantos 42 rahina/manut dresta.
  - 3) Pangapit 7 rahina
- na. Kaabenang cuntakanya :  
Sang nyambut karya Pitra Yadnya cuntakanya ngawit saking ngeplugin, wusan mapegat kalanturang malih 12 rahina.

4) Sane katiben cuntaka luwire :

- ha. Kalayu sekaran sane kacuntaka :
  - 1) sang sane kalayu sekaran;
  - 2) kulawarganya;
  - 3) bebanjaraan;
  - 4) pangapit.
- na. Ngraja swala sane kacuntaka :  
- Sang sane ngrajaswala.
- ca. Ngembas putra sane kacuntaka :  
- Kawulawargania sane ngembasang putra lanang wiadin istri.

ra. Pawiwahan .....

- ia. Pawiwahan sane kacuntaka :
  - Sang sane ngalaksanayang pawiwahan lanang wiadin istri.
- ka. Sakit ila/buduh, sane kacuntaka raganya dawak.
- da. Karuron sane kacuntaka:
  - Kawula warganya lanang wiadin istri.
- ta. Gamia gamana sane kacuntaka :
  - 1) Sang sane ngalaksanayang gamia gamana;
  - 2) Desa Adat nyane.
- sa. Salah timpal sane kacuntaka :
  - 1) sang sane malaksana salah timpal;
  - 2) kulawarganya;
  - 3) Desa Adat.
- wa. Anak istr! mobot nenten kawentenang upacara pabiukaonan sane kacuntaka :
  - Sane maraga istri (sane mobot)
- la. Mamitra ngalang sane kacuntaka :
  - Sane ngalaksanayang mamitra ngalang.
- ma. Ngembas putra nenten kawentenang upakara pabiukaonan miwah upakara pawidi-widana sane kacuntaka :
  - 1) Sang sane ngembasang putra;
  - 2) Putra sane mbas.
- ga. Sad Tatayi, sane kacuntaka :
  - Sang malaksana Sad Tatayi.

(5) Tan keneng cuntaka, luwire :

- 1) Sang sulinggih lan Pamangku Kahyangan tiga;
- 2) Rikela picdalen risampun ngalang sasih/ngalang tengah.

Pawos 47

(1) Attiwa-tiwa (pangabenan) kalaksanayang antuk :

- ha. Sawa prateka, pangabenan mawatang sawa;
- na. Sawa resi, pangabenan mawatang antuk sawa kresyan;
- ca. Suwasta, pangabenan mawatang sawa sare tan kakeniang, kagentos antuk lalang utawi toya.

(2) Panemayan pangabenan wenten kalih pawos :

- na. ngaben dadakan/bah bangun manut pararem;
- na. Ngaben ngamasa, manut pararem.

(3) Dudonan pangabenan ngawit saking ngagah (seda), ngeseng ngantos pangiriman utawi nganyut.

Pawos 48

(1) Pepatusan pangabenan wenten kalih pawos :

- ha. Ngaben ngamasa luwire : beras, ayam alit, kelapa, gesing, kelangseh miwah sane sewosan manut pararem.
- na. Ngaben dadakan, sane kadadosang pamangku lan kulawargannya pateh sakadi patus ngaben ngamasa.

(2) Pangingune ring Krama banjar ngawit ngayah manut abot dangan kawentenana karya.

paket.....

palet 4

Indik Manusa Yadnya

Pawos 49

- (1) Manusa Yadnya inggih punika upacara-upakara dharmaning kahuripan manusa, ngawit sakeng patemoning kama bang kalawan kama petak sajeroning garbha ngantos kalayu sekaran riwekas.
- (2) Upacara ring : 'eng madudonan sakadi ring sor :
  - ha. magedong-gedongan duk pangerempinian ibiang;
  - na. duk sang kamareka medal;
  - ca. kepus odel;
  - ra. roras rahina;
  - ke. tutug kambuhan (42 rahina);
  - ca. nigang sasihin ( 3 sasih );
  - ta. pawetuan/otonan/odalan (6 sasih);
  - sa. tutug kelih (ngeraja swala wadone, ngembakin lanange)
  - wa. matatah/mapandes;
  - la. mawiwaha;
  - ma. mawinten.
- (3) Upacara-upakara inucap nista, madia, utama manut sastra Agama Hindu lan dresta.

Palet 5

Indik Bhuta Yadnya

Pawos 50

- (1) Bhuta Yadnya inggih punika upacara-upakara byakala ring Pratiwi lan Kahyangang, sarwa prani saha upacara-upakara ring babuthan niwah ring piranti sewosan.
- (2) Upacara pabyakala ring sarwa prani, sarwa tumuwuh muwang piranti luwire :
  - ha. Ring sarwa lelandep rikala Saniscara Kliwon wara Landep;
  - na. Ring sarwa tumuwuh lan piranti rikala Saniscara Kliwon wara Wariga;
  - ca. Ring sarwa syandana/wahana rikala Saniscara Kliwon wara Kuningan;
  - ra. Ring sarwa lelanguan rikala Saniscara Kliwon wara Krulut;
  - ka. Ring sarwa ingon-ingon/ wewalungan rikala Saniscara Kliwon wara Uye;
  - da. Ring sarwa ringgit, ukir-ukiran rikala Saniscara Kliwon wara Wayang;
  - ta. Upacara pakala-kalan manusa menut widana, kabawos pabyakala.
- (3) Upacara pabyakala ring Pratiwi, Kanyangan lan Babuthan kawastaning macaru.

(4) Pacaruan.....

4) Pacaruan inucap ring ajeng nista, media, utama, manut wiguna kadi ring sor :

|                  |                  |
|------------------|------------------|
| ha. Ekasata;     | na. Panca sata;  |
| ca. Panca sanak; | ra. Resi gana;   |
| ka. Tawur Agung; | da. Panca kelud; |

5) Sajawaning kadi ring ajeng kawentenang upakara :

ha. mejot-jotan utawi yadnya sesa nyabran wusan ngarateng;  
na. masapuh-sapuh rikala pacang wali ring pura;  
ca. Pacaruan pasasihan kalaksanayang nangken Tilem ngawit sasih ka 5, 6, 7, 8, lan ka 9, sajawanin wenten durbiksan jagat.

#### Pawos 51

(1) Nangken ngawarsa rikalaning Tilem kasanga kawentenang tawur kasanga, kalanturang antuk ngarupuk, makasihna pacang mapag rahina panyepian benjangne.

(2) Brata panyepian sane kamargiang olih krama Desa:

ha. amati geni; tan kengin maapi-api;  
na. amati karya; tan kengin nyambut karya;  
ca. amati lelanguan, tan kengin maoneng-onengan, masuwara gora, lan sapanunggalannya.  
ra. amati lelungan, tan dados malancaran.

(3) Pabratan inucap kamargiang sakeng semeng ngantos semeng benjangne raris kasuwarayang kulkul punika cihna pangembak.

(4) Sang mamurung kecap ring ajeng keni pamidanda manut pararem Banjar kamargiang olih patelik (pacalang Desa).

(5) Riwus rahina Nyepi (benjangne) maka cihna pangawit Isaka Warsa, patut warga Desa sami madharma Santi.

#### PANCAMA SARGAH

#### SUKERTA TATA PAWONGAN

#### Palet 1

#### Indik Pawiwahan

#### Pawos 52

(1) Pawiwahan inggih punika patemon purusa kelawan pradana, malarapan panunggalan kayun suka lile kadulurin upasaksi sakala niskala.

(2) Pamargin.....

(2) Pamargin pawiwahan luwire :

- ha. Pepadikan, kamanggala antuk pakrunayan;
- na. Ngarorod, marangkat riwin wawu kakrunayang;
- ca. Nyeburin utawi sentana nyeburin (risampun nganutin upakara pamerasan):

(3) Pidadab sang pacang mawiwaha patut :

- ha. sampun manggeh daha - taruna (prasida nganutin Undang-undang);
- na. sangkaning pada lila (tan kapaksa);
- ca. manut kecap sastra Agama ( tan gamia gamana );
- ra. kasudiwadani prade pangambile tios Agama, utawi kapatiwangi.

(4) Pamargin pawiwahan mangda taler nganutin Undang-undang Perkawinan sakeng Sang Ngawawenang.

#### Pawos 53

(1) Pawiwahan sane kapatutang ring Desa, sakadi ring sor :

- ha. sampun kamargiang pabyakala utawi pasakapan, kasaksiang sakala niskala olih Pandita utawi Pinandita;
- na. wenten pasaksi Prajuru sane mapakelingang utawi ngiliki-tayang pawiwahan;
- ca. sampun matengeran suwaran kulkul;
- ra. pawiwahan inucap ring ajeng sampun kacatetang ring sang Ngawawenang.

(2) Parabian sane tan manut kadi kecap ring ajeng sinanggeh tan patut.

#### Pawos 54

Tata caraning parabian patut sakadi sor :

ha. Sapa sira ugi-pacang ngawarangang pekulawarganya patut masadok ring Prajuru, salanturnya Prajuru maritates manut tan manut pamargin parabine;

na. pamargin pepadikan manut dudonan :

- 1) Pakrunayan jantos ping tiga, saha soang-soang malarapan:
  - ha) kapertama antuk canang /sedah;
  - na) kaping kalih antuk canang pangrawos;
  - ca) kaping tiga antuk daksina pajati kabawos pamuput pamadikan.
- 2) risampun puput raris sang istri kaajak budal ring pakubon sang-lanang, saha kalanturang antuk pabyakala.
- 3) mangda puput tumus sakala niskala, raris kulawarga purusa makta pajati ring Pamarajan wadone.

ca. Prade ngarorod/marangkat patut :

- 1) reraman lanange ngawentenang pamilaku/pangenduh antuk duta sakirangnya 2 (kalih) diri;
- 2) pagenahan antene tan kengin ring pakubon sang lanang sadereng mabeyakala.

- ra. Sajeroning pakrunayan/pangelukuan patut :
- 1) kamanggala antuk geng pangampura arep ring reraman wadone;
  - 2) kaigumang bawos idih pakidih utawi palegayan arep ring pasewakan sang ngidih saha dewasa pakrabkambeyane riwekas;
  - 3) kacihnayang indik kaparusa utawi prade sentana rajeg kajejerang kapatut ngidih anak lanang sane kabawos pawiwahan nyeburin, tur risampun sulur pamerasan kategepin kamanggehang sentana nyeburin;
  - 4) prade tan terima pajati, pakrunayan kamargiang jantos ping tiga.
- ka. pakerab-kambeyan mapiteges upacara tinas apadang (puput) mapakuren, dwaning manut sakadi ring sor :
- 1) Sajeroning kabawos ambe, kalaksanayang ring sakala niskala masarana jejauman miwah pawidi widana :
    - ha) jejauman pinaka ngambe/ngadungang kayun soang-soang pakulawangan wadone;
    - na) widi widana pinaka pajati niskala nunas wadone ring Pamrajanya.
  - 2) Sajeroning bawos kerab pamargi ring sakala :
    - ha) antuk panyaksi Krama Banjar, dwaning kaparabiang matengeran swaran kulkul;
    - na) pamekas pasaksi Prajuru sane ngilikitayang.

Palet 2

Indik Nyapian

Pawos 55

- (1) Pawiwahan prasida kawusang malarapan antuk palas parabian utawi kapademan.
- (2) Wusan mapakuren riantukan salah sinunggal seda mapiteges balu, makadi balu lanang/ietri.
- (3) Palas parabian inggih punika sangkaning mawiwit wicara.
- (4) Sang ayat palas marabian patut atur supeksa pailikitan riyin ring sang Rumawos wastu tinas apadang pamutuse kabawos nyapian wawu Prajuru nyobyahang kawentenannya ring Desa saha keni panebas swaran kulkul manut pararem.

Pawos 56

Tata cara palas parabian sakadi ring sor:

- ha. nawur prabeya pasaksi sinalih tunggil sami matenga;
- na. pagunakayan polih pahan pada;
- ca. pabekel, tadtadan soang-soang kakuasa niri-niri miwah warisan kakuasa olih purusa;
- ra. ngaweruhin miwah ngupajiwain pratisentana manut swadharmaning guru rupaka;
- ka. nawur pamidanda panebasan swaran kulkul manut pararem;
- da. ngelung Jinah logika Prajuru;
- ta. mapamit ring pamrajan lanange.

Pawos 57

Prade riwekas sang palas kacihnan adung malih, patut :

- ha. ngalaksanayang pawiwahan malih;
- na. kadenda nikel saking palase.

Pawos 58

(1) Sang balu kabinayang dados :

- ha. balu luh wit sentana (sentana rajeg) miwah balu luh boya sentana;
- na. balu muani kaparusa (wit sentana) miwah balu muani nyeburin (boya sentana).

(2) Swadharmaning balu inucap patut :

- ha. ngamanggehang patibrata tan kengin ngamargiang paradara/drati krama;
- na. nguasayang waris pagunakaya, tan dados ngadol,ngadeang, makidihang lan siosan punika, sajawaning kabebasan olih pianak utawi kulawarga pinih tampek saking kurenannya prade pianak kantun alit-alit;
- ca. kengin ngidih sentana prade wenten pidabdab sadurung sinalih tunggil padem, saha kabebasan olih kulawarga saking kapurusa;
- ra. kawenangang mawiwaha malih, prade wenten kebebasang manut angka/aksara ring ajeng.

Pawos 59

Balu kaucap tan pageh sakadi ring sor :

- ha. dratikrama utawi paradara;
- na. matilar saking pakubon tan pasadok jantos 6 (enam) sasih;
- ca. lempas ring swadharma sewos-sewosan, tan prasida ngesehin solah maprawerti arep ring pituduh sane patut saking kulawarga purusa.

Palet 3

Indik Sentana

Pawos 60

- (1) Sentana wenten kalih pawos, sane kaucap pratisentana miwah sentana paperasan.
- (2) Pratisentana inggih punika sentana sane metu saking pawiwahan kapatut.
- (3) Prade pawiwahan tan kapatut ngawetuang sentana, mangda tan kantun kawastanin babinjat utawi astra patut kamanggala antuk panyangaekara.

- (4) Prade pawiwahan tan ngawetuang sentana kengin ngidih sentana antuk upasaksi sakala niskala sane kawastanin sentana paperasan.
- (5) Sentana rajeg inggih punika, pratisentana wadon (pradana) sane kamanggehang lanang (purusa) tur risampun ngalaksanayang pawiwahan kaceburin.
- (6) Sang sane dados kaarsayang sentana rajeg inucap wiwit angka (5), inggih punika :
  - ha. Pratisentana wadon tunggal;
  - na. Sampun kamanggehang dados pratisentana lanang (purusa);
  - ca. Kapawiwahan kaceburin kautamayang antuk jadma sane maagama hindu utawi jadma sane maagama siyosan sane sampun ngalaksanayang pamarisuda raga utawi sudiwadani;
  - ra. Sane ngamanggehang sentana rajeg patut mapasadok ring Prajuru Banjar, tur I Klian Banjar patut nyobyahang ring Banjar saha ngaturang ring Prajuru Desa Adat.

#### Pawos 61

- 1) Ngangkat sentana manut dudonan patut makacihna arta berana pamerasan sane kesaksiang sakala-niskala;
- 2) Sapa sira ugi krama pacang ngidih sentana patut masadok ring Bendesa sanistana 3 (tigang) sasih sadereng pamerasan. Bendesa ngalanturang pakarsa punika ring sang ngawa wenang;
- 3) Bendesa kawakilin olih Klian-klian Banjar nyobyahang ring sawidangan Desa, sang sapa sira ugi rumasa tan lia mangda nyadokang masenger kalih uku (14 rahina) sabanen pamerasan ring Bendesa Adat;
- 4) Prajuru Desa digelis mawosin saha ngicenin pamutus nepek ring catur dresta miwah pararem;
- 5) Prade sulur paperasan tan manut kadi kecap ring ajeng, Prajuru Desa wenang ngandeg sang pacang mameras saha ngicenin pamutus mangda kapuputang riyin babawos, sulur utawi wicaranya.

#### Pawos 62

- 1) Paperasan sane kapatut ring Desa risampun makacihna :
  - ha. Widi-widana paperasan;
  - na. Kasaksinin olih prajuru Desa sane makelingang utawi ngilikitayang.
  - ca. Kasobyahang ring wawidangan Desane.
- 2) Sane kapatut peras angge sentana kadi ring sor:
  - ha. Jatma maagama Hindu.
  - na. papernahan nedunang saking sang meras :

- ca. Kulawarga saking purusa, prade tan wenten kengin sakeng wadon, yening taler tan wenten wawu kengin sakama-kama (saking kayun);
- ra. Kautamayang saking waris pancer kapurusa;
- ka. Sinalih tunggil mawiwit saking kulawarga tunggal sanggah utawi merajan, paibon lan dadia utawi ngambilin anak tios sakewanten sang masgama Hindu.

- (3) Kengin ngangkat sentana langkungan ring adiri, lanang wiadin wadon, prade ngangkat sentana lanang wadon, nenten dados kapawiwahang.

#### Palet 4

#### Indik Warisan

#### Pawos 63

- (1) Warisan inggih punika tetamian arta berana saha ayah-ayah ngupadi kasukertan sakala lan niskala saking kaluhurannya arep ring turunannya.
- (2) Kang sinanggeh warisan luwire:
- ha. Duwe tengah, makadi tegal, ayahan Desa, Kahyangan, pusaka siwa pakarana lan sapanunggalanya;
  - na. Pamerajan;
  - ca. Pagunakayan, tadtadan / jiwa dana, hutang piutang.
- (3) Wawu kengin kabawos warisan prade wenten :
- ha. Sang mapiturun ( pawaris ) ;
  - na. Katurunan ( ahli waris ) ;
  - ca. Arta berana miwah tategenan makacihna warisan.

#### Pawos 64

- (1) Ahli waris luwire :
- ha. Pratisentana purusa ;
  - na. Pratisentana pradana (sentana rajeg);
  - ca. Sentana paperasan lanang/wadon.
- (2) Prade tan wenten sakadi ring ajeng, kang sinanggeh ahli waris :
- ha. Turunan purusa pernah ngunggahang, rerama lanang, pekak salantur ipun rerama misan, mindon;
  - na. Turunan purusa pernah kasamping makadi kaponakan misan, mindon.

#### Pawos 65

Swadharmening alih waris patut :

- ha. Nerima saha nguwasayang tetamian pahan saking kaluhurannya, makadi ngarempo sanggah, Pura saha pangupakarannya miwah nyelidihinin ayah-ayahan pawaris;
- na. ngabenang pawaris saha ngalanturang upacara-upakara pitra.
- ca. Nawurin hutang - hutang pawaris sane manut pangeloika.

Pawos 66

Pangepahan waris manut sakadi ring sor :

- ha. Risampun kalakeanayang Pitra Yadnya lan hutang-hutang pawaris buntas katawur;
- na. Para ahli waris polih pahan pada sangkaning pagunakayan, sajabaning karang / tegal, ayahan Desa kaamong olih ahli waris kang sinanggeh Krama ngarep;
- ca. Sinalih tunggil ahli waris kengin tan polih pahan prade:
  - 1) Nilar kawitan lan sesananing Agama;
  - 2) Alpaka guru rupaka;
  - 3) Sentana rajeg kesah mawiwaha utawi pratisentana nyeburin, soang-soang kabawos ninggal kadaton.
- ra. Boya ahli waris kengin muponin hasil manut dudonan luwire :
  - 1) Sentana luh salami dereng kesah mawiwaha utawi tan alpaka guru, miwah prade madrebe pianak tan kaangkenin olih wong tua rare inucap, kengin ngawaris wantah pikolih pagunakaya sentana luh inucap kemawon;
  - 2) Balu luh wiadin muani nyeburin (soang-soang boya sentana);
  - 3) Mulih daha utawi taruna, riantukan ring pawiwahane pecak sampun kabawos ninggal kadaton.
- ka. Pawaris kengin maweweh rikala maurip pinaka jiwa dana, tadtadan/ bekel, makacihna paweweh tetep ring pianak sane kesah mawiwaha.

Pawos 67

- (1) Prade sajeronin pakulawangan wenten ahli waris langkungan ring adiri patut :
  - ha. kawentenang paigum indik pedum waris inucap;
  - na. yen tan prasida katunasang tatimbang ring Prajuru (kerta Desa);
  - ca. prade taler tan wenten cumpu ring panepas Kerta Desa, kengin katumusang ring sang Rumawos.
- (2) Prade karang inucap kaputungan, patut Prajuru nibakang ring :
  - ha. sang sinanggeh ahli waris manut pawos 64;
  - na. sang kengin anggen sentana manut pawos 62 angka (2) miwah angka (3);
  - ca. prade taler tan wenten cumpu ring panepas Kerta Desa, kengin katumusang ring sang Rumawos.
- (3) Prade' jantos karang Desa kaepah utawi kasepih, patut soang-soang nedunin makrama Desa marep.

Sat Sargah.....

SAT SARGAH

WICARA LAN PAMIDANDA

Palet 1

Indik Wicara

Pawos 68

- ) Sane wenang mawosin makadi mutusang wicara ring Desa inggih punika Prajuru Desa sinanggeh Kerta Desa.
- ) Tata dudonan mawosin saha muputang wicara warga desa kadi ring sor :
  - ha. Kaping ajeng kabawosin olih Kelihan Banjar.
  - na. Tan cumpu ring panepas Kelihan Banjar, karerehang pamutus ring paruman banjar.
  - ca. Prade tan cumpu ring pamutus Banjar, katumusang ring Bendesa Adat lan Kerta Desa.
  - ra. Taler tan wenten cumpu ring pamutus Bendesa lan Kerta Desa katunasang ring Paruman Desa Adat.
- ) Prade sang mawicara tan wenten cumpu ring pamutus paruman desa lan Kerta Desa, kengin nunasang wicara inucap ring sang Rumawos.

Pawos 69

Sahanan wicara mawiwit kacorahan saka luwire sinanggeh nungkasin daging Awig-awig, pararem miwah paswaran Desa/Banjar, Prajuru patut digelis mawosin tan nyantos pasadok.

Sajaba wicara kadi ring ajeng patut nyantosang pasadok sang nunas bawos.

Panepase patut pastika nyantenang iwang patut malarapan Tri Pramana ( saki, ilikita, bukti ) miwah tan maren nepek ring Catur Dresta.

Palet 2

Indik Pamidanda

Pawos 70

Desa/Banjar wenang niwakang pamidanda ring warga Desa/Banjar sane sisip.

Paniwak inucap kalaksanayang olih Bendesa/Klian Banjar.

Bacakan pamidanda luwire :

- ha. ayahan panukun kasisipan;
- na. danda arta;
- ca. kanorayang;
- ra. panyangaskara.

- (4) Pamidanda sane katiwakang patut masor singgih manut ring kasisipane.
- (5) Jinah utawi raja brana pamidanda ngaranjing dados druwen Desa/Banjar.

Pawos 71

- (1) Krama sane langkungan ring tigang paruman ngalantur tan nawur urunan miwah dadandan wenang karampag.
- (2) Rerampagan ngangge tata cara kadi ring sor :
  - ha. Kalaksanayang olih Prajuru kasarengin olih Krama saakeha tigang diri maka saksi;
  - na. Sang ngarampag sangkanin darsana ngambil barang utawi nyawenin tanem tuwuh, akehnya manut ring utang sang karampag, sang karampag mangda lila nyukserahang barangnya sane dados wala;
  - ca. Prajuru miteketang mangda barang-barang sane karampag digelis katebus, masenger awuku (7 rahina) ring kutus rahinane pacang kaadol;
  - ra. Tan nganinin saluwir barang sane patut inggilang manut Agama miwah tan mademang pangupa jiwa sang karampag.

Pawos 72

- 1) Prade sang pacang karampag ngawara (ngalangin) palaksanaan inucap mawastu sampun tan nganutin Awig-awig Desa wenang karang Desa sane kagenahin kadaut olih Desane.
- 2) Samaliha yen purun taler ngalangin palaksanaan kadi ring ajeng tan wenten pamargi sajawaning kasepekan olih Krama Desane.
- 3) Pamidanda inucap ring ajeng keni buntas risampun sang kakeninin :
  - ha. nunas geng pangampura ring Krama Desa riantukan nguak pasubaya (pararem) pecak;
  - na. nawur pangargan panguak pasubayane duk pacang karampag kadulurin pamrayascitta panyapsap kaiwangane ring Desa.

SAPTAMA SARGAH

NGUWAH - NGUWUHIN AWIG - AWIG

Pawos 73

- 1) nguwah-nguwuhin Awig-awig Desa puniki kalaksanayang ring paruman Desa.
- 2) Awig-awig puniki kamargiang ngawit kaingkupin (kararemin).

Pawos.....

Pawos 74

- (1) Sakaluwirin sane wenten saderengnya patut kaanutang ring sadaging Awig-awig puniki.
- (2) Sakaluwiring sane durung kabawos sajeroning Awig-awig puniki patut kalaksanayang manut tata cara sane sampun mamargi kadulurin antuk pararem-pararem.

ASTAMA SARGAH

SAMAPTA

Pawos 75

- (1) Awig-awig puniki kararemin duk rahina Anggara Paing pang 16 sasih Kapitu isaka 1922 tanggal Masehi 16 Januari 2001 ring wantilan Desa Adat Alas Pujung.
- (2) Awig-awig puniki kalingga tanganin olih Bendesa lan Prajuru Adat, kasarengin Klian Banjar, saha kasaksinin olih Prajuru Dinas pinaka saksi.
- (3) Luwir sang ngalingga Tanganin :

ha. Kaprathama Prajuru Adat :

1. Bendesa Adat Alas Pujung

  
I WAYAN SUECA

2. Panyarikan

  
I WAYAN RAWA



3. Klian Banjar Alas Pujung

  
I NYOMAN DADI

na. Kaping.....

na. Kaping kalih Prajuru Dinas pinaka saksi :



1. Kepala Dusun Alas Pujung

*[Signature]*  
NYOMAN DADI



2. Kepala Desa Taro

*[Signature]*  
MADE JAYA



3. Camat Tegallalang

*[Signature]*  
DRS. I DEWA PUTU PARIWESA

Mengetahui dan telah dicatatkan

Pada tanggal : 23 April 2001  
Nomor : 8 Tahun 2001



BUPATI GANYAR

*[Signature]*  
TJOKORDA GDE BUDI SURYAWAN, SH.

-----/ALASP/-----